

Na osnovu člana 12. Zakona o javnim preduzećima u Federaciji Bosne i Hercegovine ("Službene novine Federacije BiH, br. 8/05, 81/08, 22/09 i 109/12), člana 38. Statuta i odluke Nadzornog odbora broj: NO-4/17 od 27.06.2017. god. raspisuje

JAVNI KONKURS

ZA IZBOR I IMENOVANJE DIREKTORA J.P. "SARAJEVO" d.o.o.

I Predmet Javnog konkursa

Objavljuje se Javni konkurs za izbor i imenovanje Direktora Javnog preduzeća Sarajevo d.o.o. Sarajevo

Oglašava se sljedeća pozicija:

- Direktor JP "SARAJEVO" d.o.o. Sarajevo 1 izvršilac

II. Opis pozicije

- organizacija i rukovođenje poslovanjem Preduzeća,
- staranje i odgovornost za zakonitost rada Preduzeća,
- zastupanje Preduzeća prema trećim licima,
- dosljedna provedba Statuta, Etičkog kodeksa i drugih akata Preduzeća,
- predsjedavanje Upravom,
- obavljanje i drugih poslova utvrđenih Zakonom o javnim preduzećima, Zakonom o privrednim društvima, Statutom preduzeća kao i drugim zakonskim i podzakonskim propisima koji regulišu ovu oblast.

III. Mandat

Direktor Preduzeća imenuje se na mandatni period od 4 (četiri) godine, s tim da na istu funkciju može biti ponovo imenovan.

IV. Uslovi za izbor i imenovanje na poziciju direktora

Kandidat za imenovanje na traženu poziciju mora ispunjavati opće i posebne uslove.

Opći uslovi za imenovanje:

- Da je stariji od 18 godina i da nije stariji od 65 godina na dan imenovanja,
- Da je državljanin BiH i da ima prebivalište u BiH,
- Da nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od 3 godine prije dana objavljivanja konkursa,
- Da se na njega ne odnosi član IX. 1. Ustava Bosne i Hercegovine,



- Da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br. 12/03, 34/03 i 65/13),
- Da nije osuđivan za krivična djela i prekršaj nespojiv sa dužnošću direktora Preduzeća, pet godina od dana pravosnažnosti presude, isključujući vrijeme zatvorske kazne,
- Da nije lice kojem je presudom suda zabranjeno obavljati aktivnost iz nadležnosti Direktora Preduzeća,
- Da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u organima vlasti Federacije Bosne i Hercegovine,
- Da nije član Nadzornog odbora ili Odbora za reviziju Preduzeća, radnik Preduzeća, niti da ima direktni ili indirektni finansijski interes u Preduzeću,

Posebni uslovi za imenovanje:

- univerzitetska diploma VII stepena stručne spreme, odnosno visoko obrazovanje prvog ili drugog ili trećeg ciklusa Bolonjskog sistema studiranja iz tehničkih, ekonomskih, pravnih, društvenih ili prirodnih nauka
- najmanje pet godina radnog iskustva na rukovodećim poslovima, nakon sticanja univerzitetske diplome, odnosno visokog obrazovanja
- da posjeduje menadžerska znanja i iskustvo u djelatnosti od značaja za rad i poslovanje Preduzeća.

V. Potrebni dokumenti

Kandidati su dužni uz prijavu priložiti i dokaze o ispunjenju općih i posebnih uslova u originalu ili ovjerene fotokopije, ne starije od tri mjeseca i to:

1. Kraću biografiju, adresu i kontakt telefon,
2. Uvjerenje o državljanstvu (ne starije od šest mjeseci)
3. Izvod iz matične knjige rođenih,
4. Izjava ovjerena od strane nadležnog općinskog organa da nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od 3 godine od dana objavljivanja upražnjene pozicije,
5. Izjava ovjerena od strane nadležnog općinskog organa da se na njega ne odnosi član IX. 1. Ustava Bosne i Hercegovine,
6. Izjava ovjerena od strane nadležnog općinskog organa da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br. 12/03, 34/03 i 65/13),
7. Uvjerenje da nije osuđivan za krivična djela i prekršaj iz oblasti poslovne djelatnosti koji je nespojiv sa dužnosti u upravi preduzeća izdato od strane nadležnog MUP-a,
8. Uvjerenje da se protiv njega ne vodi krivični postupak izdato od strane nadležnog suda,
9. Izjava ovjerena od strane nadležnog općinskog organa da nije lice kojem je presudom suda zabranjeno obavljati aktivnost iz nadležnosti Direktora preduzeća,
10. Izjava ovjerena od strane nadležnog općinskog organa da ne obavlja dužnost, aktivnosti ili da nije na položaju koji dovodi do sukoba interesa shodno Zakonu o sukobu interesa u organima vlasti u Federaciji BiH ("Službene novine Federacije BiH", broj 70/08),
11. Izjava ovjerena od strane nadležnog općinskog organa da nije na bilo koji način povezan sa direktnim ili indirektnim konkurentom preduzeća niti da ima direktni ili indirektni finansijski interes,
12. Uvjerenje od Porezne uprave o izmirenju porezni obaveza (Porezna uprava prema prebivalištu)
13. Certifikat o poznavanju engleskog jezika
14. Diploma o završenoj VSS,
15. Dokaz o radnom iskustvu

Napomena: Dokumentacija koja se dostavlja neće se vraćati kandidatima koji su se prijavili na Javni konkurs.



VI. Ostale napomene

Kandidati koji ispunjavaju opće i posebne uslove biće pozvani na intervju.

Prilikom procjene kvalifikacije i iskustva kandidata uzeće se u obzir i cijeniti menadžerske sposobnosti, sposobnost za savjesno, odlučno i odgovorno obavljanje pozicije, sposobnost nepristrasnog donošenja odluka, sposobnost tumačenja i primjene zakona i drugih propisa, naročito iz djelatnosti Preduzeća, komunikacijske i organizacijske sposobnosti, sposobnost upravljanja finansijskim i ljudskim resursima i sklonost timskom radu, rezultati rada ostvareni tokom karijere, uključujući i preporuke poslodavca.

Na osnovu dokumentacije i obavljenog intervjua sa kandidatima koji su ušli u uži izbor, Nadzorni odbor donosi Odluku o imenovanju direktora Preduzeća.

Konkurs za podnošenje prijave ostaje otvoren 15 (petnaest) dana od dana njegovog objavljivanja u dnevnom listu .

Prijave sa traženom dokumentacijom podnose se lično ili poštom preporučeno, na adresu: Brodac 1 (Vijećnica) , 71 000 Sarajevo, Bosna i Hercegovina

"Prijava na Javni konkurs za izbor i imenovanje Direktora JP "SARAJEVO" d.o.o. Sarajevo" – ne otvaraj.

Neblagovremene i nepotpune prijave neće se uzeti u razmatranje.

v.d. predsjednica Nadzornog odbora

Jovana Vidaković